

**C O M U N U DE BIDDOBRANA**  
**(PROVÌNTZIA DE ARISTANIS)**

**Regulamentu comunali po sa gestioni de s'ALBU PRETÒRIU**

Aprovau cun delibera de sa Giunta comunali n. 5 de su 17/01/2020

**Art. 1**

**Ogetu de su regulamentu**

1. Custu manuali disciplinat sa manera de publicai in s'ALBU PRETÒRIU IN LÌNIA, in su situ informàticu, àutus e provedimentus amministrativus cunforma a s'articulu 32, comma 1, de sa Lei 18-6-2009, n. 69. Custu servìtziu rempratzat cussu fatu apichendi su materiali de paperi me in is logus apostu.
2. Disciplinat aici etotu sa publicatzioni, in su situ internet comunali, de àteras categorias de àutus, novas e informatzionis.

**Art. 2**

**S' Albu pretòriu**

1. A su servìtziu digitali nau in antis in s'articulu 1, comma 1, chi si tzèrriat "Albu Pretòriu in lìnìa", si intrat cun s'arretza cìvica *internet* de s'enti chi s'indiritzu *web* cosa sua est:  
**www.comune.Villaurbana.or.it**
2. S'Albu Pretòriu in lìnìa est postu in sa pàgina principali de su situ, in unu logu apostu a cussu destinau.
3. Po allebiai s'intrada a is cantu tipologias de àutus publicaus, s'ALBU PRETÒRIU est spartziu in setzionis a segunda de sa tipologia de àutus est a nai a segunda de su sugetu chi ddu at fatu.
4. In ònnia modu, una setzioni apostu chi si tzèrriat "**PUBLICATZIONI ISTADU TZIVILI**" serbit po publicai is àutus de coja e de totu is àutus chi torrant me in is cumpetènzias de s'Ufizziali de Istadu Tzivilì.
5. S'ALBU PRETÒRIU depit permiti de connosci a manera fàtzili totu su chi ddu est in s'àutu publicau, abarrendi firmu s'òbrigu de protetzioni de s'interesa etotu de is documentus de mudaduras o magangiamentus.

**Art. 3**

**Punnas de sa publicatzioni in s'ALBU PRETÒRIU**

1. Sa publicatzioni de is àutus in s'ALBU PRETÒRIU tenit sa punna de fruniri sa presumènzia de connoscènzia legali de cussus etotu, cali si siat s'efetu giuridicu specifìcu chi cussus tenint (publicidadi de una nova, declarativa, costitutiva, integrativa de s'eficàcia e s'ghendi).
2. Sa disponibilitadi in lìnìa, po fai publicidadi, est dereta a fai connosci s'atzioni amministrativa segundu a is cànonis de legitimidadi e curretesa e a asseguarai is efetus legalis de is àutus e documentus amministrativus po favoriri candu incapitat cumportamentus chi ndi bessint de is interessaus.
3. Si pùblicant in s'Albu Pretòriu in lìnìa totu is àutus chi faint is òrganus de governu, de gestioni e de cuntrollu de s'Enti, is àutus chi bogant àteras Amministratzionis Pùblicas e àutus de sugetus privaus bastit chi sa publicatzioni insoru dda disponit una norma de lei o regulamentu.

**Art. 4**

**Arrispetu de su deretu a s'arriservatesa cun riferimentu a àutus chi funt de publicai**

1. Sa publicatzioni de àutus in s'ALBU PRETÒRIU est un'operatzioni de manigiametu de datus personalis chi est sa "spainadura" de cussus etotu e tocat de dda fai arrispetendi beni is normas chi

## **Comunu de Biddobrana - Regulamentu comunali po sa gestioni de s'Albu Pretòriu in Linia**

ddui funt aintru de su Regulamentu UE 2016/679 e ponendi in menti cussu chi si inditat me in is Provedimentus de su Garanti po sa Protetzioni de is datus personalis in matèria.

2. S'Amministratzioni comunali, essendi sugetu pùblicu podit manigiai a manera litzita is datus personalis candu su manigiamentu est de abisòngiu po fai unu còmputu de interessu pùblicu o acapiau a poderius pùblicus o finas po arraxonis de interessu pùblicu.

3. Sa publicatzioni de is àutus in s'ALBU PRETÒRIU, abarrendi sarvas e sena de pregiudìtziu is garantzias chi si ponint in contu po is interessaus me in is articulus 22 e afatantis de sa L. 241/90 in tema de intrada a is documentus amministrativus, depit arrispetai is principiis generalis chi pertocat su manigiamentu de is datus personalis segundu chi:

- a) is datus personalis chi si narant "comunis", diversus de is datus sensibilis e de cussus giuditziàrius, si podint spaniai feti candu custa operatzioni dda permitit una norma de lei o de regulamentu;
- b) is datus sensibilis e is datus giuditziàrius, si podint spaniai feti chi custa operatzioni de manigiamentu dda autorizat a craru unu disponimentu de lei innui ddui est sa specifica de is datus, is operatzioni chi si podint fai e is punnas de interessu pùblicu e de importu e candu custa operatzioni est scerada in su Regulamentu po su manigiamentu de is datus sensibilis e giuditziariis chi tenit s'Enti;
- c) **is datus idòneus a scoviai s'istadu de saludi, sa vida e s'orientamentu sessuali e is cunditzionis de disàgiu econòmicu sotziali de is interessaus, non si podint spaniai.**

4. Aprontendi e scriendi is àutus chi funt de spaniai cun publicatzioni in s'ALBU PRETÒRIU, abisòngiat a sighiri a fini a fini custus principiis:

- a) **principiu de pertinèntzia e no ecedèntzia de is datus personalis spaniaus cunforma a is punnas chi ponint in contu de acumpri s'òbrigu de sa publicatzioni.**
- b) **principiu de indispensabilidadi, candu in s'àutu chi si megat a fai destinau a sa Publicatzioni ddui funt datus sensibilis (diversus de is datus idòneus a scoviai s'istadu de saludi, sa vida e is avesus sessualis e is cunditzionis de disàgiu econòmicu sotziali po chi sighint a abarrai is proibbiduras de dduis spaniai) o datus giuditziàrius.**
- c) **proibbidura de spaniai datus idòneus a scoviai s'istadu de saludi e sa vida sessuali de is interessaus est a nai informatziones chi narant de is cunditzionis de disàgiu econòmicu sotziali chi s'agatant is interessaus.**

5. Totu is datus personalis chi funt in is literas passadas e in mesu a totu is datus personalis chi si tzèrriant "comunus" chi funt in prus e chi no tenint nudda de biri, is datus sensibilis e giuditziàrius chi non si ndi podit fai de mancu, is datus idòneus a scoviai s'istadu de saludi e is datus chi narant de situatzionis de indigèntzia apostata o de disàgiu sòtziu-econòmicu de s'interessau, non nci podint essi aintru de àutus de publicai in s'ALBU PRETÒRIU.

6. S'arrispetu de is principiis e de is disponimentus in matèria de arriservatesa manigiendi is datus personalis s'assecurat cun mesuras futas o spertesas tènicas fadendi s'àutu etotu su sugetu chi bolit sa publicatzioni cun una de custas maneras:

- a) Ammantai is datus personalis po chi tocat a assegurai su deretu de arriservatesa;
- b) Scriri un'allegau, fatu impari a s'àutu de publicai, cun is datus personalis chi non faint a publicai po tutelai s'arriservatesa. In s'àutu de publicai ddui est s'inditu chi pertocat s'arraxoni po chi is datus funt arremonaus in s'allegau, intregau a is àutus de s'ufitziu, chi mancai non publicau ndi fait parti intrea e de sustàntzia de su documentu in publicatzioni.

7. A biri totu s'àutu intreu – mancai publicau in parti in s'Albu po tutelai su deretu a s'arriservatesa – ddu ant a podi fai, in ònnia modu, is Consilleris Comunalis cunforma a s'art.43, comma 2, D.Lgs. 267/00 po acumpri a su Mandau eletivu insoru e finas is sugetus privaus cunforma a is arrègulas chi disciplinant s'intrada a is documentus amministrativus chi ddui funt me in is articulus 22 e afatantis, L. 241/90, candu, custus sugetus privaus, ammostant de teni interessu deretu cuncretu e atuali po castiai chi torrat a una situatzioni tutelada a manera giuridica, acapiada a su documentu chi bolint biri.

## **Comunu de Biddobrana - Regulamentu comunali po sa gestioni de s'Albu Pretòriu in Lìnia**

8. De totu su chi ddui est me in is àutus publicaus, finas cunforma a s'arrispetu de is normas chi disciprinant sa tutela de is datus personalis e sa spaniadura cun publicatzioni in s' Albu Pretòriu in lìnìa, est responsàbili feti su sugetu, s'ufitziu o s'òrganu chi proponit e/o adotat s'àutu de publicai e/o su sugetu, de foras o de aintru chi bolit sa publicatzioni.

### **Art. 5**

#### **Cuncordadura de su Servìtziu**

1. Su servìtziu chi sighit s'Albu Pretòriu in lìnìa est cunfigurau segundu a unu modellu acentrau, funtzionali e eficaci, chi torrat a proponi su sètiu de cuncordadura chi giai iat pigau s'Enti in antis de sa data 01/01/2011.
2. In mesu a totu sa gestioni de su servìtziu tenit custas funtzionis essentialis:
  - a) de istituzzioni formali, apoderamentu e allogadura de su repertòriu de is publicatzionis;
  - b) fai is publicatzionis segundu a comentis narat sa lei;
  - c) de atestatzioni e certificatzioni de publicatzioni fata;
  - d) de controllu e vigilàntzia de su servìtziu chi est funtzionendi comentis si depit.
3. Sa responsabilitadi de sa publicatzioni de is àutus in s'Albu Pretòriu in lìnìa dd'ant donada a su Responsàbili de s'Àrea amministrativa, finantziària anca ddui est s'Ufitziu Messus e si giuat de su personali dipendenti de s'Enti, cun nòmina de Messu/publicadori, chi assegurat sa publicatzioni de is àutus aintru de is scadèntzias postas in contu, s'incurat de ndi apicai e de ndi ispicai is àutus e vigilat chi s'Albu si tenit beni a norma.
4. Is messus comunalis tenint sa cumpetèntzia de lassai atestatzioni de sa publicatzioni fata de is àutus.
5. Po publicai is àutus in s'ALBU PRETÒRIU, s'Enti si giuat de un'aplicativu informàticu apostu chi manìgiat is proceduras de publicatzioni de is àutus etotu.
6. Sa responsabilitadi de su procedimentu de publicatzioni in s'ALBU PRETÒRIU, siat cun riferimentu a s'avisu de publicatzioni de coja e siat de s'arresumu de is arrechestas de mudadura de nòmini o de sangunau, chi tocat a fai in sa setzioni apostu de s'ALBU PRETÒRIU chi si tzèrriat "Publicatzionis Istadu Tzivili" cumpetit invècias sceti a s'Ufizziali de s'Istadu Tzivili cunforma a is prescritzionis tècnicas chi ddui funt in sa Circulari de su Ministeru de s'Internu n. 13 de su 21/04/2011. Cunforma a sa circulari in arremoni, sa publicatzioni in s'Albu Pretòriu in lìnìa chi pertocat s'avisu siat de publicatzioni de coja, siat de s'arresumu de is arrechestas de càmbiu de nòmini e de sangunau tocat de ddas firmas a firma digitali.

### **Art. 6**

#### **Crìterius generalis po sa publicatzioni de is àutus in s'ALBU PRETÒRIU**

1. sa publicatzioni in lìnìa chi fait su comunu depit assegurai:
  - a) s'autoridadì e s'autenticidadì de su documentu publicau;
  - b) sa cunformidadì a s'originali, a paperi o informàticu;
  - c) su documentu publicau sena de magangiamentus;
  - d) de allogai su gradu de giuridicidadi de s'àutu est a nai de non degradai is baloris giuridicus e probatòrius de is àutus publicaus in su situ *web*;
  - e) sa possibilidadi de allogai, a norma de lei, su documentu in su tempus po sarvai su balori giuridicu e probatòriu.
2. Po is arraxonis de su comma passau, s'aplicativu chi sighit is proceduras de publicatzioni in s'Albu Pretòriu in lìnìa depit assegurai s'arrispetu de is prescritzionis tècnicas e operativas chi sighint:
  - a) is documentus publicaus in s'Albu Pretòriu in lìnìa depint essi a manera de ddus podi castiai e ligi, depint essi cumpretus cunforma a is principius de fruibilidadi, de usabilidadi e de accessibilidadi, finas cun riferimentu a personis disàbilis, segundu a su chi disponit s'art. 53 de su D.Lgs. 82/05 aici comentis ddu at mudau su D. Lgs. 235/10;

## **Comunu de Biddobrana - Regulamentu comunali po sa gestioni de s'Albu Pretòriu in Lìnia**

- b) s'intrada a is documentus publicaus in s'Albu Pretòriu in lìnìa fait sceti ligendi-ddus sena chi is utentis de s'arretza non ddus potzant manigiai, pigai, scarrigai, memorizai, mudai o scancellai de su spàtziu *web*. Is documentus in publicatzioni non si depint circai cun motoris de circa allenus ma sceti cun sa funzioni de circa chi funt aintru de su situ.
- c) is documentus publicaus in s'Albu Pretòriu in lìnìa tocat chi si potzant castiai in su situ *web* de s'enti feti in cussa simana de tempus chi is disponimentus de lei narant po ndi assegurai su deretu de orvidu de is interessaus. Passau custu tempus, chi is normas ponint beni a craru, is documentus non si podint prus castiai a intru de s'àrea temàtica de su situ istituzionali de s'Enti chi si tzèrriat "Albu Pretòriu". Est facultadi de s'Enti, candu spàciat su tempus de sa publicatzioni, apoderai in lìnìa unus cantu documentus publicaus po acuntentai abisòngius de caràteri stòricu-cronològicu. S'Enti tenit sa facultadi de nci poni feti is Deliberas de is Òrganus collegialis e is detèrminas aintru de un'àrea de archìviu, chi si podit castiai candu unu bolit.

### **Art. 7**

#### **Publicatzioni de is àutus de s'Amministrazione Comunali**

1. Po acusentiri a s'ufitziu chi ddi cumpetit sa publicatzioni, sa programmatzioni de su traballu, is àutus chi tocat a publicai tocat de nci ddus mandai impari a un'annota innui ddui siant:
  - a) is datus chi scerant su documentu de publicai;
  - b) s'ogetu de s'àutu de publicai;
  - c) simmai, s'inditu ca su documentu est in parti cunforma a s'originali po arraxonis de tutela de s'arriservatesa;
  - d) sa durada de s'apicu e s'inditu de sa primu dii e de s'ùrtima dii de publicatzioni;
  - e) simmai, s'inditu de s'apretu po s'apicu e/o po ddu torrai acoa.
2. Totu is documentus de publicai, foras de is deliberas e de is detèrminas, s'arregistrant in su protocollu generali.
3. Abisòngiat a scerai beni chi su formau de su documentu originali siat informàticu o chi su formau de su documentu originali siat a paperi.
4. Acuntessendi su formau de su documentu originali de essi informàticu, tocat de arrispetai custas prescritzionis:
  - a) su documentu informàticu ddu at a mandai in formau eletrònicu cun s'arretza informàtica comunali su sugetu chi cumpetit a cadaunu àutu; candu unu s'incurat de ammantai is datus personalis po tutelai su deretu a s'arriservatesa de is sugetus interessaus, su documentu at a portai in bàsciu (si ndi at a incurai su sugetu chi bolit sa publicatzioni), s'inditu ca su documentu est in parti cunforma a s'originali po arraxonis de tutela de s'arriservatesa;
  - b) su documentu informàticu mandau aici, ddu firmat a manera digitali su sugetu chi cumpetit s'adotzioni sua. Sa firma digitali posta aici assegurat s'interesa e su de non ndi magangiai su documentu informàticu e finas s'autoridadi de su sugetu chi ddu at fatu.
5. Candu su documentu originali est a paperi, tocat de sikhiri custas prescritzionis:
  - a) su Responsàbili de sa publicatzioni arricit s'àutu de publicai a paperi e chi su sugetu chi ddi cumpetit s'adotzioni de s'àutu s'est incurau de ndi ammantai is datus personali po tutelai su deretu de s'arriservatesa de is sugetus interessaus, su documenti at a portai in sa parti bàscia (e si ndi at a incurai su sugetu chi bolit sa publicatzioni), s'inditu ca est in parti cunforma a s'originali po chistionis de tutela de s'arriservatesa;
  - b) su Responsàbile de sa Publicatzioni in s'ALBU PRETÒRIU s'at a incurai de fai una còpia a imàgini de su documentu a paperi originali;
6. S'àutu publicau e su refertu de publicatzioni si torrunt a s'ufitziu chi ndi a bòfiu sa publicatzioni aintru de seti diis de traballu in fatu a sa dii ùrtima de publicatzioni.

**Art. 8**

**Publicatzioni de is àutus po contu de sugetus allenus a s'Amministratzioni Comunali**

1. Su Comunu s'incurat de sa publicatzioni in s'ALBU PRETÒRIU de is documentus chi ndi arribant de àteras Amministratzionis Pùblicas o de sugetus privaus, candu sa publicatzioni insoru dda disponit una norma de lei o de regulamentu.
  2. Po publicai is documentus in s'Albu Pretòriu in lìnìa tocat de nci mandai in antis una nota, mandada a su Comunu assumancu duas diis de traballu in antis a cussa de sa publicatzioni, innui ddui est:
    - a) Sa rechesta de publicatzioni in s'Albu Pretòriu in lìnìa;
    - b) Sa norma de lei o de regulamentu chi ponit in contu de ddu publicai in s'Albu Pretòriu in lìnìa;
    - c) Is datus de su documentu de publicai;
    - d) S'ogetu de s'àutu de publicai e s'inditu giustu de su tanti de totu is pàginas de su documentu de publicai;
    - e) Cantu tempus depit abarrai apicau e s'inditu de sa primu dii e de s'ùrtima dii de publicatzioni;
    - f) Candu incapitat, s'inditu de s'apretu po dd'apicai e/o po ndi ddu torrai;
    - g) Sa declaratzioni de si pigai sa responsabilidadi cunforma a s'arrispetu de is principius de su Regulamentu UE 2016/679, in mesu a totu a sa pertinèntzia e no ecedèntzia de is datus personalis de chi ddui funt in s'auto chi si bolit publicai, in s'arrispetu de su principiu de indispensabilidadi cunforma a is datus sensibilis e/o giuditziàrius chi mai ddui funt e a s'aussèntzia de datus chi pertocant s'istadu de saludi, sa vida sessuali est a nai informatzionis chi scòviant cundizionis de disàgiu sòtziu econòmicu chi s'agatat s'interessau.
  3. Is àutus, po chi si bolit sa publicatzioni, si depint mandai a s'enti po Posta Eletrònica Certificada (PEC) e ddus depit firmai a manera digitali su sugetu chi ddi cumpetit a s'adotzioni insoru.
  4. Incapitendi ca su formau de su documentu originali est a paperi, abisòngiat chi su sugetu chi pedit sa publicatzioni s'incurit de fai una còpia a imàgini de su documentu a paperi originali e s'incurit de poni sa firma in sa còpia a imàgini po ndi atestai ca est cunforma a s'originali a paperi. Candu est aici, su sugetu chi pedit sa publicatzioni, po assegurai s'arrispetu de su rechisiu de acessibilidadi a su documentu informàticu tentu comentu a còpia a imàgini de su documentu a paperi originali, depit associari una descritzioni scritta alternativa cun custas informatzionis mìnimas:
    - a) Is datus de su repertòriu;
    - b) Sa data de publicatzioni;
    - c) Sa data de scadèntzia;
    - d) Sa descritzioni o s'ogetu;
    - e) Sa lista de is allegaus, chi si podint castiai, chi pertocant su documentu.
- Su documentu informàticu aici fatu e sa descritzioni scritta arremonada, si trasmitint a s'Enti cun PEC.
5. S'àutu publicau e su refertu de publicatzioni si torrant a su sugetu allenu a s'Enti chi at pediu s'apicu aintru de cuindixi diis de traballu afatantis a sa dii chi ndi ddu spicant.

**Art. 9**

**Durada de sa publicatzioni**

1. Is àutus chi si pùblicant in s'Albu Pretòriu in lìnìa abarrant in sa parti de su situ *web* sua totu su tempus de publicatzioni chi sa norma de riferimentu ponit in contu.
2. Sa publicatzioni abarrat de norma cuindixi diis de s'ghida, contendi finas is festas, sarvu differenti tempus chi disponimentus legislativus o regulamentaris ponint in contu o sarvu àterus inditus de su sugetu chi pedit sa publicatzioni.
3. S'arrispetu de custu tempus de publicatzioni dd'assecurat su Responsàbili de sa Publicatzioni a s'ora de poni is documentus in s'Albu Pretòriu in lìnìa e finas a s'ora de ndi ddus spicai.

## **Comunu de Biddobrana - Regulamentu comunali po sa gestioni de s'Albu Pretòriu in Lìnia**

4. A cada unu documentu publicau in s'Albu Pretòriu si depint annotai is elementus chi sighint:
  - a) Su nùmeru cronològicu de publicatzioni;
  - b) S'Autoridadi, Òrganu o sugetu chi at emanau s'àutu e is datus identificativus;
  - c) Sa data de candu si ponit e custa de candu si spicat e cantu est abarrau in publicatzioni;
  - d) Sa natura e s'ogetu de s'àutu publicau;
  - e) Sa lista de is allegaus chi si podint castiai chi pertocant s'àutu.
5. Candu incapitat ca sa publicatzioni si fait po contu de Entis allenus, s'informatzioni tocat de dda annotai a manera crara e chi ddu biat beni a fini a fini totu su documentu s'utenti chi est castienddu.
6. Is documentus publicaus in s'Albu Pretòriu in lìnìa si depint podi castiai in su situ *web* de s'Enti sceti in su tempus chi is disponimentus de lei narant po ndi assegurai su deretu a s'orvidu de is interessaus.
7. In su tempus de publicatzioni non si podit rempratzai o mudai in manera formali su chi ddui est me in is documentus sarvu candu su comma 9 afatanti ddu ponit in contu.
8. Chi mai ddui funt rempratzamentus o mudaduras tocat de ddu fai arresurtai a manera formali in su documentu etotu rempratzau o mudau o in un'àteru allegau de cussu, in modu de cumprèndi beni e sena de arresci, totu su chi sighint:
  - a) sa parti mudada o sa parti o is datus de s'àutu rempratzau;
  - b) su sugetu chi ndi at donau dispositzioni;
  - c) su sugetu chi at fatu sa mudadura o su rempratzamentu.
9. Su tèrmini de publicatzioni torrat a movi de nou de sa data de candu s'est mudau o rempratzau.
10. Cun rechesta motivada de s'òrganu chi tenit sa cumpetèntzia, sa publicatzioni si podit brocai. Custa circustàntzia tocat de dda annotai siat in su repertòriu siat in su documentu, impari a is datus de su sugetu chi dda at disposta e de su sugetu chi dda at brocau.
11. S'Albu Pretòriu in lìnìa tocat chi siat bellu de castiai totu is diis de s'annu, sarvu interrutzionis chi no ant a podi sartai 24 oras in totu in unu annu solari, chi si depit po nexi de fortza maggiori o po manutenzionis de is aparaus, de is programmas de Sistema e de gestioni chi abisòngiant po fai funtzionai beni su situ istituzionali de s'Enti e de s'Albu Pretòriu in lìnìa.
12. Po acumentai su deretu de castiai de is sugetus legitimus, una borta spicau, is documentus podint essi ogetu de istàntzia po ddu castiai, me in is Àreas a solas de s'Enti chi ndi ant pediu sa publicatzioni o avatu is sugetus pùblicus allenus chi is àutus insoru funt stètius ogetu de publicatzioni in s'ALBU PRETÒRIU.

### **Art. 10**

#### **Interesa de sa publicatzioni**

1. Totu is documentus si pùblicant in s'ALBU PRETÒRIU in versioni intrea e cunforma a s'originali foras de cussus documentus chi si pùblicant feti in parti po tutelai su deretu a s'arriservatesa chi creit de primori su Responsàbili de ònnia Àrea o Servìtziu o de su Responsàbili de su procedimentu de formatzioni de ònnia àutu intamis de poni in menti a s'arrègula de sa trasparèntzia.
2. Incapitendi documentus cun allegaus, si atendit a publicai custus puru, sarvu chi non ddu siant arraxonis de natura tècnica.
3. In dèroga a su princìpiu de interesa, candu po su tipu, su introbeddamentu o su tanti de is allegaus etotu (es, traballus cartogràficus) mancai funt in suportu informàticu non faint a ddu apicai intreus in s'Albu Pretòriu in lìnìa, su sugetu o s'ufitziu chi pedit sa publicatzioni, nci mandat a s'Ufitziu chi ddi cumpetit a ddu fai, impari a is àutus de publicai, un'avisu apostu de publicai in s'Albu Pretòriu in lìnìa in aciunta de is àutus, innui si ponit a craru ca totu is allegaus, sceraus beni a unu a unu, funt intregaus me in is ufizius de cumpetèntzia, inditendi-ndi sa dislocatzioni, is datus de su Responsàbili, su nùmeru de telèfonu e s'oràriu po aberri a su pùblicu po chi si potzat castiai totu su document intreu.

**Art. 11**

**Repertòriu de is publicatzionis**

1. Su repertòriu de is publicatzionis fatas est a disponimentu in s'aplicativu gestionali de su Comunu.
2. Sa numeratzioni de is publicatzionis andat in progressioni de inserimentu totu de s'ighida sena de interrutzionis; movit de su 1<sup>u</sup> de gennàrgiu de ònnia annu e serrat a su 31 de su mesi de idas de ònnia esercìtziu.
3. Su registru arremonat siat is àutus de s'Amministratzioni Comunali siat is àutus chi mandant is Entis o sugetus allenus.
4. A cadaunu àutu postu in su registru de is publicatzionis s'annotant is datus chi s'ighint:
  - a) Su nùmeru cronològicu a cadaunu annu;
  - b) Sa natura e s'ogetu de s'àutu publicau;
  - c) S'autoridadi o su sugetu chi at fatu s'àutu publicau e is datus suos chi ddu scerant;
  - d) Sa data de candu s'apicat e de candu si spicat e cantu abarrat in publicatzioni;
  - e) Su dipendenti chi s'est incurau de dd'apicai e ddu spicai.
5. **Su responsàbili de is publicatzionis, aintru de is primu dexi diis de ònnia esercìtziu, s'incurat de mandai in stampa in còpia cunforma a s'originali, su repertòriu informàticu chi pertocat s'annu prima chi tocat allogai in is àutus de s'Ufitziu.**

**Art. 12**

**Atestatzioni e certificatzioni de publicatzioni fata**

1. Sa publicatzioni fata si depit atestai cun relata apostata de publicatzioni ponendi in s'àutu de publicai, un'annota cun custus elementus:
  - a) Su tempus de publicatzioni fata;
  - b) Sa data de candu s'est apicada e spicada;
  - c) Sa data, su nòmmini e su sangunau, sa calìfica e sa firma de su responsàbili de sa publicatzioni o de unu delegau suu.
2. Po is àutus arricius in formau digitali, sa relata de publicatzioni in arremoni si fait in modu informàticu usendi sa firma digitali.
3. Custa atestatzioni, in prus de is àutus pùblicaus, s'at a poni finas me in is elencus de is àutus mandaus a s'enti, innui si torrant a arremonai is datus de is àutus pùblicaus.
4. S'àutu chi portat in sa parti bàscia sa relata de publicatzioni si torrat a su sugetu chi ndi at pediu de dd'apicai o si allogat in is àutus de s'ufitziu chi ddi cumpetit.
5. Àteras certificatzionis chi atestant sa publicatzioni fata, chi si pedit po cali si siat titulu finas in fatu, ddas depit firmari su Responsàbili de sa publicatzioni o unu delegau suu movendi de sa relata de publicatzioni in sa parti bàscia de s'àutu o de sa còpia de s'àutu allogada a disponimentu de su Comunu.

**Art. 13 Normas transitòrias e de acabbu**

1. Movendi de sa dii chi intrat in vigori custu regulamentu funt de pigai comentis abrogadas totu is normas statutàrias o regulamentàrias chi non torrant cun s'art. 32, L. 69/2009, cun is normas tècnicas in matèria in vigori e cun custas disciplinas.
2. Movendi de sa dii chi intrat in vigori custu regulamentu est de pigai comentis passada sa manera de immui de publicai, in su situ istituzionali de s'enti, chi ocasionat sa possibilitadi de intrai sena arrègulas a is àutus comunalis ogetu de publicatzioni finas sartau su tempus fissau po sa publicatzioni.

**Art. 14**



**Normas de riferimentu**

1. Po totu su chi non s'est postu in contu in custu regulamentu si fait a riferimentu a is disponimentus de lei in matèria, finas cussas arribadas apustis in cantu si podint apricai.
2. Su Regulamentu intrat in vigori movendi de 15 diis in fatu a cussa de publicatzioni de sa delibera chi ddu aprovat (art. 124, comma 1, de su D.lgs. n. 267/2000.)